

宣統新疆圖志

新疆圖志卷三十三

食貨二

茶法

中國邊防自古以西北爲重新疆旣入版圖幅輳之廣邁越前代而地廣民稀大利未舉歲支兵餉數百萬胥仰給於內地各省邇來新政繁興各省欸項支絀多不能如數供給上厯

廟堂之擘畫下勞疆臣之籌議有能開財源紓餉力設法補苴維持大局雖筦榷之謀亦救時之策也故便民裕課東南則鹽爲巨擘西北則茶爲大宗伊塔鎮迪漢蒙哈回均以茶爲養命之源自乾隆二十九年將軍明瑞奏明每年由陝甘額調茶葉一十一萬一千五百觔存庫收貯每年將軍大臣官兵分買例價每觔合銀一鐵六分三釐二毫此爲收茶搭餉之始查甘省官茶向行西莊甘三司而甘三司則直達新疆南北兩路是新疆本官茶引地承平時晉商由蒙古草地興販各色雜茶有紅梅米心帽盒桶子大小

塊磚茶等名目伊犁地方官爲設局抽稅由將軍督飭稽查商民運茶到局時報明觔重數目卽抽茶作稅每茶十分由局抽取一分五釐所抽茶觔照例價搭放該處官兵俸餉每年冬季預咨陝甘總督於次年應解伊犁歲需茶觔內如數扣除又內地販伊各色茶觔赴局報稅不論粗細每百觔概征稅銀一兩每年收稅銀若干彙咨陝甘總督於應解伊犁兵餉內照扣此爲額定課釐之始道光初元將軍慶 督臣那 奏准在伊犁古城一帶設局收稅每年估抽銀八千兩撥歸甘茶商年終彙報以補課額同變以後甘肅茶引無人承領舊商積欠茶課至四十萬兩之多前欽差大臣左宗棠奏明收引行票始招南商領票運茶開辦之始共發茶票八百三十五張時當兵燹甫定民物凋零道路梗塞引茶未能暢行各散商運茶來甘罔不折耗而總商按引配銷不許紊亂散商坐視賠累無計另圖因之屢興訟端新疆底定後陸續出關開岸茶務始有起色然先年積票太多商累難紓前督臣譚

鍾麟奏請將額票八百三十五張以四成折發所餘六成作爲懸額俟岸銷漸暢分案遞加於是商情漸定引課漸增伊犁自俄人手收還後晉商沿於舊習仍販私茶旋值新疆改省創辦稅務前撫臣劉錦棠有化私爲官之議依照承平章程在古城設局收稅而前督臣譚鍾麟力主維持官引嚴禁私販化私爲官議不果行嗣伊犁將軍馬亮以兵餉奇絀徒資協濟於鄰封終非善策與其拘守成法坐困堪虞何如量爲變通俾得稍開利源藉紓餉力因奏言伊犁僻處西陲無出產自然之利歷年餉需全賴各省關協濟近三四年欠解甚多卽設法借撥散給各營官兵具領而一切日用所需採買價值無不昂貴故外來商民巧於謀利本地官兵轉益因窮伊犁承平時綢緞調之江南棉布調之和闐茶葉調之陝甘均各儲庫分買現在額運章程早經停止如棉布等類尙可從儉取用惟茶葉一項則爲居民所必需伊犁各城從前本非湖茶引地所食均係內地商民販賣各色茶觔運伊行銷官爲設局

抽茶作稅卽以晉茶爲大宗迨收還伊犁後始行改章由甘招商給票採運湖茶來伊發賣雖嚴禁晉茶不准入境無如漢蒙纏哈均不慣食且因湖茶價昂不如晉茶價廉以致私茶不能禁止湖茶不能暢行上年茶商歇業去伊私茶充斥禁之則食茶無出非所以厚民生不禁則釐課虛懸實無以裕國計方今時事多艱餉項日竭苟可爲國家開一分利源卽可爲部臣省一分籌慮况伊犁別無生財之道全恃仰給於人殊非經久之計因思此項茶勛與其任聽奸商私販漁利不若官爲採辦行銷藉收什百之利且可規復承平時收茶搭餉舊例較之抽釐納稅偷漏中飽者獲利更多於國計民生洵屬不無裨益云云而督臣崧蕃乃以伊犁運銷晉茶侵佔甘肅引地有礙課釐業先期具奏晉茶改爲官運如照甘章完釐納課價亦不能獨廉良以私販不禁則私茶賤於官茶軍民舍貴市賤自必私茶暢行而官引滯銷與其改絃易轍流弊徒滋何如酌照舊章推行盡利至滿蒙軍標俸餉擬請搭放官

茶如能照辦則甘商運茶到伊向章價由官定茶商不能居奇卽以官茶搭放酌取盈餘以補餉需亦無不可將軍復奏督臣未悉邊地情形轉相辨難部議伊犁請改晉茶日久無成議非第慮課釐之有虧亦實因借款之無著查伊犁借撥甘新庫欸五十餘萬兩若因茶務改章自行派員請領置以前借款於不顧揆諸事理實未得其平查該將軍原奏一則曰開利源再則曰紓餉力其於伊犁之能改晉茶并晉茶之實有明效諒已籌之至熟惟查甘省茶課茶釐近年收數疊有增加伊犁改運晉茶若不嚴防浸灌恐甘茶省課不免有歉收之虞允宜參定章程以昭詳慎往來駁詰訖未舉行逮將軍長庚接准馬電稱伊犁茶務自甘商復引晉私既禁湖茶不來民食甚缺茶價較前加增一倍尙復無茶可購若不設法改良匪惟利權外溢蒙哈乏食實難謀生請妥籌奏辦云云將軍長庚遂卽途次疏請由官集股設立公司無論何省商民均准附股官商合辦厚集其力以濟蒙哈日食而杜俄人私地倒

灌且言軍興後甘肅三司引地爲川私乘隙侵佔前督臣左宗棠
規復茶政因將新疆併入湖商引地之內以資補苴然彼時亦僅
行銷南路北路蒙哈仍食晉茶迨新疆建省後晉茶運至古城官
茶號指爲私茶充公從此真正晉商始不敢販茶而乘時射利者
轉紛然以起潛銷默運規避多方包運繞越無所不至究之晉茶
民食既慣價值又廉扼禁雖嚴而食者如故販者亦如故湖商自
知所運細茶不如晉茶之便於民食因於額票以外另請晉票改
辦晉茶無如時逾二年運到寥寥不敷民用茶價則一加再始
尙稟請核定繼且任意添增茶缺價昂私銷益甚外人因而乘之
奪我利權官民交困湖商亦無利益此現在新疆茶務之實在情
形也伏查新疆自與俄人通商彼族動援光緒七年改訂通商章
程內載兩國邊界百里之內准兩國人民任便貿易條約伸展權
力而我沿邊與蒙古錯處之哈薩克及中俄兩界阡陌相連之纒
回日用所需無一不係俄商貨品若食茶再容俄私倒灌則其商

權益張及今而思抵制之方惟有設立公司自行採運以供蒙哈各部之用則倒灌之害將不禁而自絕惟前請設立茶務公司係統新疆全境而言現在細加察覈茶務有關甘新兩省釐稅何敢因舉辦公司致與兩省釐稅相妨卽湖商營運多年亦宜量加體恤一再籌思作事謀始宜先推己及人若於湖商力所不逮者設法挽救而於湖商力所能及者仍聽運銷則邊氓得免缺食而商情亦可藉資體恤茲擬專就伊塔兩處設立公司先行試辦其行銷處所卽以伊塔兩城所屬廳縣滿漢各營及蒙古哈薩克各部落爲界此外新疆南北各府廳州縣地方仍聽湖商銷售庶於湖商營運不至過受虧損而甘新課釐亦不至另費周章似此劃清界限於規復舊章之中仍寓並行不悖之意現就伊塔歲需之數通盤核計擬先請三百五十票試辦一年察看銷路旺衰再行酌定票額另行具奏所請之票按照晉票成案每票抵引五十道每引照例配茶一百觔附茶一十四觔由伊犁將軍在部請領發交

糧餉處轉發公司承領每票應交正課銀一百五十兩照章完納
於公司赴將軍衙門領票時先交二成共稅銀一百兩釐金九十
三兩六錢亦照湖商成案俟運茶到境與所欠一成正課一併交
清似此豫算每年可收課釐稅銀十萬餘兩亦足以濟邊軍緊要
之需應請查照伊犁茶稅之案將伊塔茶務公司所收課釐稅銀
統交伊犁將軍署庫存儲可否即照搭放官兵俸餉之例抵充練
兵餉需分晰報部核銷其辦法略有數端一曰總綱一此次官商
合股創辦茶務公司原爲裕國便民籌餉練兵起見而防塞漏卮
維持權利尤爲一定不移之主義一公司雖係官商合辦而一切
用人辦事之權則專由股實股商經理公家不過爲之提倡概不
任用委員以除積習而求實際一曰定名一祇就伊犁塔爾巴哈
台兩處試辦應卽名爲試辦伊塔茶務有限公司一曰稅課每票
正課銀百五十兩釐金九十三兩六錢稅銀百兩計共三百四十
三兩六錢照章完納此外別無雜費一曰股分一公同股本按茶

三百五十票核計需銀六十萬兩每百兩爲一股計共六千股公
家先撥股銀廿萬兩作爲官股以示提倡其餘股分無論漢纏商
民均可認集但不准附集洋股如有詭附洋股者查出將股銀罰
去並嚴加懲處一每股票一張隨息摺一扣設有認千股而共領
一票者亦給息摺一扣惟摺內註明係按千股分紅取息十股八
股以此類推一公司股票既係由官集股擬卽蓋用伊犁將軍印
信以昭慎重而結民信一如無違背公司章程之處股票准由股
東轉售惟公司轉招華人股本亦只准轉售華人倘轉售洋人故
意隱蔽查出罰去股銀十分之七並勒令追股一曰規則一伊犁
惠遠城設一總公司塔城設一分公司領票繳課結帳及出入款
項均由總公司經理分公司轉管運銷此外轉輸及採買處所均
衆股東議訂一公司出入款項每年年底清結一次三年總結一
次至總結時除股息公積及一應開銷外淨餘利若干按股均分
一總辦專管總公司事務總司理人專管分公司事務司事人分

任職務均由董事局選派開除其薪水酬勞亦由董事局酌定如有特別重大事件董事局仍應稟承將軍辦理三十二年十月奉旨允准開辦

謹按茶務之設上關國計下益民生經制定則商務振興事權一則推行盡利論其正辦自當以嚴緝私銷力持官引爲裕課恤商之要計故前稅務總局以私茶充斥官茶滯銷呈請將北路官引暫借於晉商銷售晉茶照數幫結課銀以重公款崧督以茶商堅求顧引未准弛禁良以甘新茶務事同一律既籌利所從生必須防弊所自伏若不統籌兼顧實不免此贏彼絀之虞惟茶業之利向爲中國所獨擅近則印運入於南俄倒灌於西如潮之不可遏仰浸浸乎奪我利權害我商計而且侵犯條約也挽救之法自莫要於減釐釐則成本可輕故銷自暢即取值之歸此之虛仍無損於課額亦免藉爲口實弛禁弛禁則稅以復銷路暢則餉源自裕而外人無所侖利也故興復茶政不在

攬利權而在彌漏卮

甘肅茶引每引計茶一百觔附茶一十四觔以備失耗兵燹後以票代引每票一張運正茶四千觔附茶仍照例數配帶甘票舊章每票收課銀一百五十兩稅釐銀七十二兩嗣又加收銀二十一兩六錢新疆原收稅銀八十兩旋又加收銀二十兩現每票共征課釐銀四十三兩六錢官茶五觔爲一塊賣價二兩五錢每百觔合銀五十兩晉茶三觔四兩爲一塊賣價八九錢每百觔合銀二十七兩九錢其運茶赴新疆者一由甘肅出嘉峪關一由山西歸化城取道蒙古草地皆至新疆古城而後轉行運銷南北兩路南路天暖喜食細茶北路地寒喜食粗茶細茶有紅梅米心建其等名目粗茶有磚塊大茶帽盒桶子等名目張家口伊塔境內蒙古皆食磚茶煎乳相宜故也舊發茶票三百五十張南商改辦晉茶續發茶票一百五十張伊犁創辦公司又請發茶票三百五十張舊額新增共茶票八百五十張

常年銷數

國初置五司

後改爲四司

以茶易馬每茶一篋重十觔上馬給茶一十

二篋中馬給茶九篋下馬給茶七篋甘嶺以茶易馬各番計於

開市處所互市不容濫入邊內凡通接西番關隘處所撥官軍

巡守遇有夾帶私茶出境者拿解治罪

順治十年覆准茶商舊例大引附茶六十篋小引附茶六七十

觔今更定每茶一百觔附茶一十四觔如有夾帶私茶嚴查治

罪三十六年以蘭城無馬將甘州司茶篋在五鎮俸餉之內銀

七茶三每銀一兩搭放值三錢茶一封搭餉始此

雍正三年覆准關卡盤查照依引目及正附茶觔兩盤查驗放

不得勒措留難如於部引之外有搭行印票及附茶不依所定

觔數多帶私茶者查拿照私鹽律治罪查驗官故縱失察者照

失察私鹽例處分如有地僻引多茶觔壅滯不能行銷自該商

具呈甘撫行令往別司分銷通融發賣辦課夫茶運於商督銷

於官所以嚴私販而重給邊也伊塔壤接強鄰俄人經營商務
眈眈逐利而我古城商民將茶賣於俄商以致略利逞刁流弊
甚多幾階邦交之厲近年各大憲飭地方官嚴加查禁

方城關河在長江口東通者多係磚茶照納海關稅釐政行一千八百九十四年自中國經使委薩城通入之茶計十五萬六千九百二十零箱格應納合價二千二百零四條出而伯利亞陸路運入者計二十萬箱格應納合價五十萬條布凡陸使委薩進口者皆係茶葉統誠正本清源之計卽厝火徙薪之謀考前明安

治十八年題准行茶地方但有興販私茶在邊境交易及在內地賣於進貢遠人者不拘勛數事發并牙保俱發遠衛在西甘洮河販賣者一百勛以上俱發近衛不及數者依律懲辦軍官縱容子弟伴當興販卡倫巡官知情故縱者事發參問若自出資本販私茶通番者發邊衛蓋春秋嚴夷夏之交慮深遠也一隅是非動係全局故歷來杜漸防微設於塔城訂備商稅通商茶稅款不使涓涓細流決爲江河致礙修睦之要政斯麟經之旨也

附設官

國朝茶法初置茶馬御史一員轄洮岷河北西甯莊浪甘州五

茶馬司各廳員順治四年置滿漢巡茶御史筆帖式通事一員
七年裁茶馬御史歸甘肅巡撫兼理三十六年仍差部員管理
茶馬事務四十四年茶馬事務停止差官仍歸甘肅巡撫兼管
料理雍正十年咨准茶商船票由甘肅巡撫衙門給發

新疆圖志卷三十四

食貨三

錢法

西儒有言曰人類之交通日繁錢幣之進化益精故幣制精純之國必稱富強於世界嗚乎其通論哉方村落時代人民去蠻風未遠足不履百里外之途耳不聞百里外之事應事接物不出一鄉一井間其智識之簡陋交涉之簡單以布易粟以茶易馬

今之蒙古青海
亞拉伯等地

故不嫌其累而且安焉迨夫生人既多兢爭加繁人智加巧交際加多交通較遠昔時物與物交換者重量艱阻既不便于遠攜價格參差又不利於市易遂一變而以價貴質輕之物以爲代於是而皮幣玉幣見重當時此等時代既過生人愈密兢爭愈甚人智愈趨奇巧交通愈加便利則皮玉爲物又以其易朽善毀不利久用也則不得不求價貴質堅形簡之物以易之故金銀錢幣出焉錢幣之變易人類進化之所由繁也大通之世國與國相競大抵

富強在工而輔之以商其提綱也則在錢幣富強之國其金元必週行於世界其銀行必遍及於各埠其國內各種幣制必能劃一使用而無地異價變畸輕畸重之弊故其商務可以任其力之所能及而商民無受制他國金融界下之虞以阻其進路英其最者焉反觀之其貧弱者必其幣制之最紊者也必其省省不相通融處處受牽制者也必其不以金為本位者也必其銀行業不能遍及者也中國其最者焉是故貧富強弱判若天淵其原因雖不盡在錢幣而錢幣實居其最甚之一也處茲世界大通人類相競之世而猶持村落州縣主義以自縛其進行之手足者其奈之何而不貧且弱也微論一國即新疆之一省已兼其病焉價之太低故也俄津等商專對於新疆省城天津亦為輸出生銀之一可以劣貨而售昂值金幣之未暢也故俄商可以金元銀票即俄帖子重價居奇伊塔喀什等處更甚其則銀行之未設也故外貨不能吸收以備已用而俄津商販往往滿載生銀以歸鄉里是故生銀愈少市面愈空所恃為流通者僅此無值之紙幣耳嗚呼長

此不改必有坐斃之一日而其害豈僅在協餉之不濟哉蓋新省五金之產最富如沙雅如庫車如阿克蘇如拜城如喀什如巴彥岱等地皆產銅如和闐如塔城如烏蘇如于闐皆產金銅富則幣制易改金富則金元易鑄以金爲本位而輔之以銅元以紙幣爲介紹以生銀爲抵代夫而後於迪化喀什甯遠三處設立銀行以便與內地大清等銀行呼吸一致色米阿慕斯克天津北京上海各設分行一則收內省之資財一則杜本省生銀之外流廣鑄金元少鑄銀元以高抬銀價銷毀紅錢仿鑄內省當一當十二種銅元以昭劃一而便通行則將來殖民事業築路事業與軍事目的上關繫決非淺渺夫豈獨新疆之利益也哉世運有轉移政策有變更大勢所趨應者生存違者敗亡雖有賢者不能不因其變而通之縱觀往古橫覽來今土耳其乎日本乎美利堅乎墨西哥乎嗚呼可以慨然悟矣

銅幣

一 通化

建省之二紀而迪化資新局以成時光緒十二年七月也開辦之始委州判鄒子鴻經理而以迪化縣副之仿南省鐵廠燒水倒鍋之法以班爐鑄銅

辦南山銅及庫車銅每百斤價銀一十八兩用模十二付

日鑄成紅錢一百挂

每挂五百文每四百文作合銀一兩每挂

重四觔一兩日須熟銅四百零六觔四兩生銅煉熟每銅百觔除

下爐火耗十四觔共日需生銅四百七十二觔六兩每銅百觔用

炭三百觔二十八年改用木炭三百觔嵐大槽二百觔日需嵐炭

一千四百一十七觔二兩每嵐炭百觔價脚銀二錢六分

日需整爐風管膠泥五十觔每百觔價脚銀五錢麥草

五十觔每百觔價銀二錢模子土三駄每駄價脚銀五分

鑄廠匠夫用爐頭一名月支工銀十六兩帮手一名月支工銀六

兩鐵木匠各一名月各支銀六兩匠首一名月支工銀六兩

九十名由本省銀二十名由庫銀二十名由吐魯番銀五十名月各支銀二兩四錢均扣建又每名日給

食糧麪二觔由吐魯番銀五十名由庫銀二十名由吐魯番銀五十名燒炭二觔每逢朔

望歇工一天每月鑄廠經費大建開支銀五百六十六兩一錢四

分食糧麥麪五千四百觔小建開支銀五百五十五兩四錢二分

六釐食糧麥麪五千二百二十觔局費定章月准支銀八十六兩

停鑄閑月准支銀三十五兩二錢原改爲大建月支銀五十三兩二錢小建月支銀五十二兩四錢六分又改爲月支銀五十七兩由庫

車廳調匠夫二十名吐魯番廳調匠夫五十名每年均於開爐前

申送到省停鑄後遣回往返川資庫屬匠夫每名給銀一兩給馬

一頭原又詳准什長二名各給家四兩其餘各給銀一兩吐屬匠夫每名給銀四錢原又詳准什長一名給銀五錢

來省盤費由地方墊給并由各地方官自每年三月初

一日起每名按月墊發贍家銀一兩每年停鑄仍於各匠夫工銀

內劃扣由局匯寄歸款回籍盤費由局照發匠夫中有攜帶家眷

來省者大婦一口日給麥麪一觔八兩小兒女一口日給麥麪一

觔局所用善後官房改建坐東向西計二十六間銅庫在內爐模

兩廠計二十四間匠工住房計十七間炭廠兩處計十一間儲泥

房三間總共房屋八十一間

原係一百二十四年
改為一百七十四年
係八十二年

十三年五月修鑄錢

房屋三通間側屋二間前後檐牆邊院內間牆洗銅渣水池各一所并修飾匠夫住屋一院計六間十六年二月藩司饒應祺詳准歲鑄紅錢八卯除正二十一十二四個月不鑄外每月作爲一卯每卯除朔望并扣小建不鑄外擬鑄紅錢千六百五十串文合八卯計之每年鑄錢一萬三千二百串文遇閏不加每紅錢一文計重一錢三分共用熟銅十萬七千二百五十觔又每銅百觔加耗銅十一觔十一兩七錢九釐共加耗銅一萬二千五百八十二觔五兩八錢六分三釐綜計正耗銅十一萬九千八百三十二觔五兩八錢六分三釐內由庫車解庫秤銅五萬觔以每觔銀二錢二分計算應需銀一萬一千兩又由拜城解庫秤銅一萬觔以每觔銀二錢一分計算應需銀二千一百兩又由南山解湘秤銅五萬二千三百三十二觔五兩八錢六分三釐以每觔銀二錢六分計

算應需銀一萬三千六百六兩四錢一分兩釐共需銅價銀二萬六千七百六兩四錢一分四釐每年鼓鑄八箇月照章需用鑄匠工價食糧燒炭并膠泥木炭局費雜項每大建月共銀八百四十五兩五錢零三釐小建月共銀八百二十一兩六錢八分三釐以四大建四小建計之共需用銀六千六百六十八兩七錢四分四釐又應支停鑄四箇月二大建二小建局費銀二百八十八兩六錢六分六釐又應支調僱匠夫來往以資駄價暨泥房屋并添製鐵木器具每年應需銀三百兩綜計歲支銀七千二百五十七兩四錢下遇閏照加又解紅錢儲庫照章每百串給運價銀二錢四分以萬三千二百串文計應需運價銀三十一兩六錢八分每年鑄錢萬三千二百串文照每錢四百文作銀一兩算合銀三萬三千兩除工價炭局費雜欸銅價運脚川資駄價等項共銀三萬三千九百九十五兩五錢零四釐實虧銀九百九十五兩五錢四釐是年改用木炭原炭火四十八年五月巡撫陶模以鑄錢字法模糊不

明每紅錢一文准加重五釐計每挂五百文重四兩三兩五錢加工整磨添匠工四十四名共用匠夫一百五十九名每日鑄成紅錢一百挂每年鼓鑄七卯半

加添匠工及鑄鑄錢每兩約需工銀七十五兩四錢二分六釐

自加工日起每銅

百兩准加耗銅一兩八兩十一月新修模廠一所計廠六間造漢匠等住房一所計三間加修纏匠各夫住房一所計四間共用工料銀五百八十三兩八錢五分一釐又每年局房准加泥一次定章大工一箇並火食日給銀三錢小工一箇並火食日給銀一錢二分麥草每十兩價銀一分八釐每屋一間牽連計算需大工一箇小工二箇麥草二十八兩二十年庫車調省匠工均不應募飭地方官查明仍派幫手代耕

其所雇者均係該匠工等之親屬子弟

始行來省先是每年所調庫車熟手匠工五十名雖月給工食糧炭均不願意赴省該廳恐

悞鑄務酌量每名在衆戶內攤派幫手三名共代應招匠工耕種俾得膳養兩兩相安嗣將幫手裁撤無人應募而他屬匠工又不及庫車匠工之技藝嫺熟以故不能不特別優待也是年每銅百

勛准加耗銅一十二勛二十一年每挂紅錢五百文改爲重四勛
一兩每日成紅錢一百十挂歲鑄七卯自三月初十日開鑄起至
十月初十日停鑄計七箇月天氣溫和卽多鑄一卯每年需銅近
十萬勛南山礦務本年運解未滿萬勛請飭拜城縣自廿一年起
每年加採銅三萬勛連每年應解省銅一萬勛共四萬勛光緒十六年定庫
每年採拜城銅
一萬勛庫銀五萬兩湖南充銅局移駐庫庫銀五萬兩湖南充銅局移駐庫庫銀五萬兩湖南充銅局移駐庫嗣由司飭拜城縣令查明拜
城礦務情形令每年採銅五萬六千勛解省註爲定額此創辦斯
局之大畧情形也二十二年藩司丁振鐸詳減鑄費十分之四需
匠工九十五名日成錢六十六挂向章滿年需用經費各欸銀三
萬六百二十兩四錢三分三釐九毫現除局費暨鐵木匠並漢匠
爐頭幫手門丁無從裁減外其餘各欸均按十成減四計共減少
銀萬二千三百六十五兩八錢三分三釐九毫外統計一年費用
銅炭膠泥照章折價並薪糧雜費等項共需湘平銀一萬八千二
百五十四兩計滿年約用湘秤生銅五萬八千八百六十三勛成

錢萬二千九百三十六挂以每挂五合扣合湘平銀二萬六千一

百七十兩品抵外實不敷湘平銀二千八十四兩又班爐二座日

准加泥二十觔按班爐一爐准准日加泥三十觔是年修爐模兩版共用工料銀一

百六十兩二十三年改章日鑄紅錢八十一挂又閒月開支經費

銀七十一兩六錢三分三釐二十五年定為歲鑄紅錢八卯若逢

閏之年即多鑄一卯用南山銅一萬餘觔鑄定每百觔包運拜城銅額解

六萬觔用匠工九十五名每日成錢六十五挂二十九年添設模

子二付添匠工九名每日鑄三觔重紅錢一百二十挂三十三年

銅觔不濟僅傳集省城熟手工匠二十五名調用吐魯番廳匠工

二十名鄯善縣匠工十名每日鑄紅錢六十挂三十四年八月銅

觔鑄竣停鑄藩司王樹枏因就機器局鑄造銀元匠工改鑄銅元

仿照內地式樣以一當十銅元四十枚當紅錢四百枚即可作銀

一兩准其納糧完稅照價折算於是年十二月開鑄每銅元一圓

用淨銅五錢陽面鑄刻宣統元寶新疆通用當紅錢十文字樣陰

面鐫刻龍文邊加繅文當紅錢十文五字每圓抵紅錢十文作市銀二分五釐每年拜城認供額銅八萬觔每煉淨銅千觔須毛銅千三百卅三觔用匠工四十餘名每日成銅元六千餘枚方銀錢作日可成二萬餘元每年除三節朔望小建外約可作工三百日每月局用約開支銀七百餘兩將來銅源暢旺儘可推廣多作不過多加局費匠工耳按西人製錢純用機器大小不同每日可成四五萬枚五六萬枚不等其法先將錢質鎔成胚板然後壓成條復將條鑿成錢胚然後淘洗鑿印而錢以成此其大畧也無已請言其詳鎔胚板之法用冶缸取汁入鐵模鐵模每副四塊合而爲一套以鐵圈傾入錢質而鬆其圈上之螺絲釘卽成錢板長二寸厚三分寬八分是爲胚板再壓成條其機器中疊銅軸有機輪將胚板夾緊於三軸之中輪動則穿過成條寬厚恰與錢同而長約三尺左右是爲條再用機器將條壓令平直前後左右無所參差卽由條中鑿成爲餅每分時可鑿一百六十枚是爲錢胚然後

以藥水磨擦使之明亮圓勻更以機器印花使之精緻工細機器下方上圓高四尺許全器俱用純鋼製成中有二鋼模上下相對模上鏤花甚細即錢之兩面花紋也模前有銅管下設銅錢將錢胚疊入管內機動則一胚落於鉗口夾入模心上一擊錢由模底漏積一處所成甚捷可見工省而效速莫如機器也

銅幣二

阿克蘇局附庫車銅幣

阿克蘇卽古西域之溫宿國也史又稱疏勒姑墨難兜諸國多出銅鐵阿克蘇烏什庫車沙雅爾諸城即其故境然則天山南路富於鑛產自昔而然故屬賓國以金銀爲錢文爲騎馬幕爲人而迨其後回地所用錢文名回普爾不得謂非其遺制普爾者以紅銅鑄之每五十文爲一騰格

按加卡百文其值五十一百遠更甚差均以二騰格最爲一兩後每銀一兩作騰格五百文是以五文抵銀五分按公價二串計則以一兩四兩用庫哈喇沙

解之蘇丹什止方過此克蓋則與錢一也也

其式小於制錢厚而無孔用帕爾西字鑄葉爾羌字

樣一面用托特字

即回字

鑄策妄阿喇布坦及噶爾丹策零字樣皆

昔時厄魯特汗之名也重一錢四五分至二錢不等乾隆二十四年我

朝平定回疆經定遠將軍兆惠

奏請於葉爾羌設局銷燬原錢改鑄制錢形式重二錢仍名普爾一面漢字鑄乾隆通寶一面字兼回字鑄葉爾羌字樣每制錢一文換舊普爾錢二文給葉爾羌喀什噶爾和闐三城通用續經參贊大臣舒赫德

奏請阿克蘇烏什庫車喀喇沙爾賽里木拜城等七城所用錢文

就近在阿克蘇鼓鑄

見新圖志

二十六年三月奉

上諭回民交納舊普爾兌換新錢原爲流通新錢地換收回民舊普爾宜視其力量辦理况交納舊普爾二枚換給新錢一文以來已二三載矣諒收舊鑄新已可足用若仍如前例以二易一民力恐有難支於伊等生計無益嗣後著加恩以普爾一枚換給新錢一文庶民力紓而普爾亦得以急於收獲著曉諭回民等咸知朕

意欽此又

命儒臣排次回部錢文暨所有古銅錢因題以句云

天佑西師藏大功勞徠泉府貴流通形猶騰格因其俗寶鑄乾隆

奉我同

明部既定部八以幣幣職以將軍等請仍其舊式僅以加鑄兩面乾隆通寶以行又時致國中所有古錢者古時鑄造所致因命儒臣排次之

景德開元溯所有和親互市鑑於中篋藏詎詔聲靈暢垂德懷柔

慎自躬

又駐葉爾羌大臣呈覽所鑄乾隆通寶至因用排次回部錢文詩

韻紀事云

昨夜元戎奏定功早鑄鼓鑄市塵通卽看大冶範鎔就仍屬司農

職掌同

謂軍機處與鑄錢局同掌

寶是乾隆來自外錢殊景德去由中

鑄本回部方錢時有故鑄開元錢錢位時未就臣服其地自屬中土區住者

用權子

母底其貢載戢干戈省厥躬

三十一年尙書永貴

奏將阿克蘇錢局移在烏什鼓鑄三十五年參贊大臣舒赫德

奏明制錢舊例每文重二錢改重一錢五分鑄烏什字樣各回城通用嘉慶三年參贊大臣長麟

奏將烏什錢局仍移阿克蘇鑄造旋經部頒乾隆通寶祖錢一箇嘉慶通寶祖錢一箇其幕鑄清字回字阿克蘇字樣自嘉慶五年爲始每年鑄乾隆通寶錢二成嘉慶通寶錢八成分運南路各城

見新編
志略

是論新疆鼓鑄錢文當以葉爾羌阿克蘇爲始但葉爾羌鑄局以舊普爾收換無存於乾隆三十二年

奏明停鑄俟收獲普爾積至能合鼓鑄一次再行鼓鑄三十三年舊普爾積至二百六十餘騰格又復鼓鑄一次則葉爾羌鑄局爲銷燬原錢計阿克蘇鑄局則至今未艾也惟本局向鑄制錢道光十八年改鑄當十字樣錢每文重一錢至一錢二三分不等降至光緒初纏回商賈只照制錢一文使用市廛交易每銀一兩換紅錢五百文四年正月幫辦新疆軍務廣東提督張曜呈稱阿克蘇鑄錢兩務迄今雖停辦年久而曾經管理廠務及當充錢局工匠

之人均尙易於招集當經諭知回目人等先爲豫備專候委員到阿設局舉辦四月辦理阿克蘇善後委員易永孔昭稟稱阿克蘇拜城塞里木城三處每年共繳紅銅四萬二千三百一十八觔十二兩二錢五分每百觔除火耗二十觔實得淨銅三萬三千八百五十五觔有奇照每銅一錢鑄錢一文算應鑄錢五千四百六十六千八百文有奇內除銅價錢一千八百零三千九百六十八文外實餘錢三千六百一十二千八百零足資經費現飭各回目照舊繳銅一而於阿克蘇漢城內酌量規模置設鑄局查從前鑄局開爐六座嗣改鑄當百當十等錢又添爐二座每爐一座日可鑄銅七十五觔計鑄錢一十二千文每年以二八兩箇月開鑄二次一次准三十五日完工停鑄其局中一切夫役詢悉向章除鑄匠二十名日給工銀一錢外其餘挑水打炭做堆和泥回子四十名拉風箱回子六十九名泥木鐵匠共十二名均歸本地纏戶更換當差只給食糧不給身價查此項食糧向歸烏什營汛備供莫識所

由無案可稽自應由鑄局備糧發食將來歸入鼓鑄項下開報是
年九月十五日開鑄每紅錢一文約重一錢二分五釐而鑄乾隆
通寶清字回字阿克蘇地名五年九月張曜呈稱銅觔折耗原定
每百觔准耗一十八觔查生銅百觔得淨銅八十二觔惟所成樣
錢每文重一錢二分五釐民請增重實合湘平一錢三分每千文
計重八觔二兩額採銅百觔合銀八兩零用木炭六百觔每生銅
百觔合炭價銀二兩四錢工匠銀一兩二錢用匠九十六名

向鑄匠補食每錢千文兌銀二兩計錢十千零五百八十九文兌銀二十一兩一錢七分餘按錢口工價銀十一兩六錢尚餘銀
九兩五錢七分餘此費員兵伙夫薪需在外十二月後鑄局報阿克蘇同書木伯克呈請鑄局銀九兩六錢六分不敷下鑄銀

分辦鑄局銀價之無用餘分每
兩作銀二錢五分此費員兵伙夫薪需在外十二月後鑄局報阿克蘇同書木伯克呈請鑄局銀九兩六錢六分不敷下鑄銀

歸道署專辦定章每銅百觔給工價銀一兩二錢各工匠每名日
給麪二觔照時市扣除麪價外按月按名補給各工匠錢文其鼓
鑄紅錢以四成鑄爲乾隆通寶陰面加當十二字仍舊制也行未
久停鑄十二年四月藩司魏光燾詳稱阿克蘇爲南路適中之地
目下庫車局存銅既多分運省局拜城銅將無銷路擬請於阿克

蘇開局鼓鑄專收拜城銅觔庫車寶新局擬卽於本年停鑄後裁撤並請於庫車寶新局未撤之先阿克蘇卽一面開鑄以免拜城銅觔壅滯是年巡撫劉錦棠

奏新疆銅觔不敷鼓鑄暫難規復舊制等因一摺九月十六日奉硃批戶部知道欽此經戶部咨開相應恭錄

硃批咨行陝甘總督新疆巡撫遵照查原奏內稱新疆銅鑛不旺暫難規復制錢准仍沿鑄紅錢照常行使一俟工商輻輳物價日平銅斤足供鼓鑄徐圖改造制錢等語應如所奏辦理至所稱南八城創鑄天罡沿用既久成色分量任意低減流弊滋多光緒六年前陝甘督臣左宗棠

奏請改鑄銀錢設局試辦因工多費鉅旋復停止北路市肆遂通用天罡南路仍天罡紅錢並用擬廣鑄紅錢爲禁革天罡地步一節併咨該督撫轉飭所屬設法開採銅觔廣鑄紅錢以便民間行用卽將各路行用天罡嚴行禁革免滋流弊並將阿克蘇鼓鑄紅

錢自何年起每年鼓鑄若干如何配鑄搭放行用及用過銅鉛工料數目分年詳晰查明報部核辦至該處所鑄紅錢並卽包封數枚送部可也十四年五月經藩司魏光燾詳轉准阿克蘇道咨稱查阿屬庫車拜城兩處向爲產銅之區阿克蘇與拜城連界地方亦有礦銅探挖承平年間鼓鑄紅錢行用久已稱便惟礦苗欠旺推廣誠屬爲難洎光緒三年大兵規復南疆開辦善後自四年以至七年其時庫車拜城兩屬有糧折銅有採銅阿克蘇有應繳鼓鑄銅有糧折銅及貢銅各項名色八九兩年卽將各城應行繳銅之戶通按所管地畝科則折成銅觔分爲上下兩忙征收厥後改設州縣於十年分溫宿州一屬之銅仍照八九兩年折征十一年分改爲上忙征銅下忙征糧庫拜兩屬銅觔十年十一年均祇折征上忙未征下忙其溫宿州與拜城縣連界礦地亦卽於斯時劃歸拜城管轄銅亦並歸採取此光緒四年由開辦善後及改設州縣至十一年爲止阿庫拜各城收繳銅觔之情形也自十二年以

後所有銅觔專歸庫車拜城兩處備價採買其前定徵銅地畝卽概行納糧不復繳銅此爲劃一章程經數年未嘗更改也至收銅鼓鑄錢文庫車之銅向歸該處就近收繳鼓鑄其阿克蘇提收過拜城及本地銅觔開爐鼓鑄紅錢茲將自光緒四年分起截至十三年底止一切收支數目逐一查明按年分別彙造簡明清冊一本並將所鑄紅錢包封二十枚一並送請貴司查核彙辦至鼓鑄錢文悉係提淨紅銅而成並未配鑄他項銅鉛其鑄成紅錢向章每五百文合湘平銀一兩搭放行使惟採銅價值及鼓鑄工炭各項是其大者合並咨明等情詳請咨部計自光緒四年起至十三年年底止得淨銅三十二萬五千四百六十五觔成錢四萬五千七千二百三十二文每紅錢一文重一錢三分光緒十年以前每銅百觔除火耗銅一十四觔十年以後每銅百觔除火耗銅九觔又查歷年阿城鑄錢每毛銅一百觔費用工炭銀三兩六錢約需員役薪糧等項銀六錢由拜城採運銅觔每百觔腳價銀四錢

是年採拜城銅三萬一千五百觔成錢三千五百
二十八千文十五年採拜城銅四萬二千九百八十觔成錢四千
八百一十三千六百六十九文是年春將鑄局移至新城西門外
根就老防營現成房屋修葺以資鼓鑄十六年二月藩司饒應祺
詳請將阿克蘇鼓鑄紅錢除正臘兩月歇工不計外每月作爲一
卯每年擬鑄十卯每卯鑄錢九百串文以十卯計之每年鑄錢九
千串文遇閏不加照章共鑄毛銅七萬九千七百六觔四兩每毛
銅百觔支工價銀一兩二錢共支銀九百五十六兩四錢七分五
釐每毛銅百觔用木炭六百觔共支木炭四十七萬八千二百三
十七觔八兩以每百觔價銀四錢算共支炭價銀一千九百一十
二兩九錢五分又雜款銀三百八十三兩又局費丁夫薪糧等項
銀二百三十兩八錢以上四共支銀三千四百八十三兩二錢二
分五釐每紅錢一文計重一錢三分共需熟銅七萬三千一百二
十五觔又每銅一百觔加耗銅九觔共加耗銅六千五百八十一

勛四兩共正耗銅七萬九千七百六勛四兩按拜城庫秤算需庫
秤銅七萬零八百五十勛照拜城庫秤銅每一勛定價銀二錢一
分算應需銅價銀一萬四千八百七十八兩五錢照每錢四百文
作銀一兩算共合銀二萬二千五百兩除工價炭價局費銅價共
銀一萬八千三百六十一兩七錢二分五釐實餘銀四千一百三
十八兩二錢七分五釐十八年停爐移設庫車廳鼓鑄然庫車鼓
鑄紅錢歷有年所蓋回疆向用紅錢乾隆間阿克蘇開爐鼓鑄咸
豐間庫車亦鑄自安夷假擾專用天罡銀錢是以銅錢散失存留
無幾克復以後陝甘總督左公宗棠發乾隆式錢之一錢二分重
一枚者爲模派辦理庫車等處善後事宜委員龍令魁潘令時策
於光緒四年三月十八日在庫車開爐鼓鑄除額徵銅不計外每
銅一勛採價銀一錢五分每季徵收生銀一萬兩
給採辦銀七百五十每生銅百勛除耗銅十勛
煉得淨銅九十勛需木炭三百五十勛每炭百勛價銀六錢八年每炭
百兩價銀
錢四工匠銀一兩二錢每用工匠
五十七名每生銅一百勛鑄錢一十二千文每紅

錢一文重一錢二分照市價五百文合銀一兩兌換可得銀廿四兩除銅價炭價工價共銀十八兩三錢外尙餘銀五兩七錢委員親兵伙夫門夫薪水火食等項每月大建共支銀四十四兩六錢小建共支銀四十三兩九錢八分八釐每淨銅九十觔成錢十一千七十六文九釐三毫每紅錢一千文計重八觔每枚重一錢三分錢之陰面均以半邊月圖爲記局內用匠工七十八名每名日給麥麪一觔八兩燒柴三觔每銀一分四釐工價仍前每生銀百觔給工銀一分二釐又監鑄委員薪水暨親兵伙夫口糧每月共開支銀四十一兩六錢九年羅道長祐詳請將庫車阿克蘇兩處錢局歸道署經理其額征銅觔卽自十年上忙起全數解交道署彙收以資鼓鑄自庫車至阿克蘇計程七百餘里解銅一萬觔按每百里每銅百觔給運腳銀一錢八分詳請永爲成案以紓民困又徵收民間銅觔每庫秤銅百觔合湘秤銅一百三觔五兩六錢詳請永爲定例又每鑄銅百觔原按報銷折耗銅十觔改照定例准銷耗銅九觔又按庫車廠

務有鑛夫四百名每夫月獲淨銅四十觔每月可出銅一萬六七
千斤儘力鼓鑄每月只用銅一萬三千餘觔尙餘存銅三千餘觔
十一年六月庫車同知李時熙鑄局委員鄒子鴻等申請先於原
用匠夫七十八名內抽調二十人於七月二十六日起開小火爐
一座首鑄錢模續調原用匠夫暨新招夫二十二名總共一百名
興工試辦其辦法按照稟定新章內開仍每錢五百文作爲一挂
計重四觔一兩每文計重一錢三分以四成鑄爲乾隆通寶字餘
則照常兼且於紅錢後而左右仍以清書纏文上用庫字以誌庫
局所製下仍用十字以順輿情蓋纏民不知用意近來鑄錢無常
十字樣者纏民疑非官製不肯行用故西四城用錢以無十字之
新錢祇作半文使用十二年四月藩司魏光燾詳請仍照原辦於
阿克蘇開局鼓鑄專收拜銅並分供南路十三廳州縣之用庫車
寶新局卽於是年冬撤嗣於十八年五月巡撫陶模以鼓鑄紅錢
炭爲大宗阿克蘇木炭向較庫車昂貴且設爐數年砍燒殆盡庫

車林木休養多年應將阿克蘇錢局移設庫車鼓鑄仍歸庫車同知管理委照磨爲幫辦是年八月開爐由阿克蘇調匠工五十
二名需庫價盤費銀九十五兩三錢二分庫車僱匠工七十二名
二共用匠工百二十四名每日鑄紅錢一百一十挂每挂錢五百
文重湘秤四觔三兩五錢向東每挂重四觔一兩本年改重每紅錢一觔加重五釐合重四觔三兩五錢每匠工一名月支
食麪二觔合銀六錢阿克蘇匠工五十二名每名月各支工銀一
兩七錢每月共支工銀八十八兩四錢庫車匠工七十二名每名
月各支工銀一兩二錢每月共支工銀八十六兩四錢一切局用
開支月共需銀六百三十六兩一錢七分八釐停鑄每月開支銀
二十六兩每歲解道庫紅錢五千串文每季撥庫車營紅錢六百
串文二十四年改訂新章每紅錢一挂計四百文重三觔四兩二
十五年每紅錢一枚改爲重一錢二分二十九年用阿克蘇匠夫
四十二名每名月支工食銀二兩三錢扣除口糧銀六錢用本地
匠夫八十二名每名月支工食銀一兩八錢扣除口糧銀六錢二

共一百二十四名每名日給燒柴二觔每柴百觔價銀一錢四分
開爐六座每月除小建朔望外共歇工五天每天鑄紅錢一百三
十七挂半每挂紅錢四百文重三觔每銅百觔除耗銅七觔用木
炭六百觔提運拜城銅觔由拜城至庫車計程三百里每銅百觔
每百里給運腳銀一錢三分阿克蘇匠夫每年來往二次每次給
大車五輛每輛腳銀六兩七錢二分又每名給川資銀一兩通事
銀三兩局費每月開支銀八十六兩閒月開支銀五十六兩一錢
查局內額僱匠夫外另由民間派夫二十名幫同雜作以十日爲
期輪流更派歷任皆然三十一年三月蔣丞光陞申請裁革僱用
民夫十五名每名月支工銀一兩二錢食糧仍由州津貼百姓無
公旬之擾焉

按鑄錢之法銅鉛並用隋志稱現用五銖錢和以錫鐵稱爲白
錢宋初永平監鑄錢用銅鉛百萬觔加錫十一萬觔及至我
朝康熙二十三年定以銅六鉛四配鑄制錢雍正五年改爲銅

鉛各半乾隆五年改鑄青錢每紅銅五十觔配合白鉛四十一觔八兩黑鉛六觔八兩點錫百觔共爲百觔光緒十一年浙閩總督楊昌濬

奏請以紅銅白鉛各重一百觔鼓鑄錢文查向來鑄錢其不純用淨銅者蓋以銅性燥烈必得鉛錫濟之而始華澤光潤且恐不肖奸民私燬漁利一經數質鎔和提銅則虧折甚多鑄器則錘擊卽碎意美法良無是過也新疆鼓鑄錢文自乾隆間設寶伊局鑄錢援用鉛錫自時厥後卽不復聞雖然概用銅質尙矣惟新疆地接俄壤道光十六年喀什噶爾錢局設於伊寧時中與錢文此後動而改鑄錢局錢質既佳難保不流入外洋不然全疆鼓鑄錢文就設省以後論迄於今廿餘載年復一年當必錢滿爲患烏有此此其所以爲紅錢不濟之由來歟

銅幣三

喀什噶爾錢局

喀什噶爾卽西域之疏勒國

皇朝文獻通考云洪遵泉志載龜茲疏勒國有五銖錢又稱其地

近西涼爲張氏遺制然則其爲市易之流傳與本國之自鑄亦莫得而考也我

朝乾隆二十四年平定回部於葉爾羌城設局收舊回普爾改鑄制錢給葉爾羌喀什噶爾和闐三城通用是乾隆以前其市易則用普爾改鑄以後則用制錢而普爾亦未盡絕也嗣於同治三年回目金相印勾結布魯特叛回思的克同叛連陷數城全疆無安境普爾制錢則又與天罡並用平定以後制錢少而紅錢來自庫車則天罡又與紅錢並用光緒十三年冬禁止僞造天罡於是喀屬地方每銀一兩僅換紅錢三百餘文十四年春袁道堯齡稟請委員開爐鑄錢由庫儲項下借發鑄局工本銀一千兩并飭黃牧丙焜試辦礦務分諭各鄉永照每銅一觔給銀二錢所採之銅聽民自便時因礦銅不敷奉飭鎔鑄廢礱五尊計重二千觔以每觔價銀二錢計算共值銀四百兩共鑄紅錢二百二十二千文以每錢五百文作銀一兩計共合銀四百四十四兩每錢五百文合湘

秤四觔三兩每墩銅百觔耗七觔六兩每銅百觔需炭銀二兩三錢工價銀二兩五錢錢模一面用光緒通寶四字一面鐫刻喀什二字回文則係喀什噶爾四字每文重一錢三分每紅錢五百文作銀一兩十五年收採喀葉各屬銅觔歲鑄錢二千二百九十餘串

計四千五百九十餘斤

每錢四百文作銀一兩每鑄錢一千文用銅八觔二兩

每銅一觔價銀二錢每銅百觔除耗銅四觔每鎔銅一百觔用木炭六百觔每炭百觔價銀四錢每月用鍋土百觔價銀三錢用匠工二十九名每名日支工銀一錢司事一名月支銀十二兩局役二名月各支銀三兩六錢毛拉一名月支銀三兩伙食油燭紙筆月支銀八兩先是疏勒州黃牧丙焜在署收燬天罡試鑄大小錠銀飭令刊刻年月縣名及匠工名字在署傍設爐鑄造由一兩起至十兩止計中下等天罡每百失火耗十兩左右上等每百不過二三兩即可鑄成銀錠鑄後發交原主領去願鑄大寶者聽提出銅鉛當面發還酌定鑄銀五十兩小錠給工銀一兩五錢大寶給

工銀一兩炭價口食一並在內行之數月改鑄漸稀於是稟請就

地覓僱工匠數人試鑄紅錢十九年二月定章鑄錢兩務每年由

公中賠銀五百五十餘兩是年冬就回城前防營東隅叛產地基

一段合建鑄務鑄錢局一所坐西向東共計正雜屋二十一間外

爐廠一所洗銅水池一箇上蓋大棚一架其餘空處概修天棚遮

蓋共用工料銀三百九十五兩六錢三分五毫廿一年藩司丁振

鐸詳請將鑄錢兩務劃開分別立案於是定爲歲鑄紅錢九卯除

小建五日歇憩九日以生銅五萬六千八百三十觔十二兩按減

定章程每百觔價銀二十一兩一錢未減以前每百觔價銀二十三兩五錢共繳價銀一萬一

千九百九十一兩二錢八分八釐二毫五絲鑄成紅錢一萬二千

八百挂以每挂合湘平銀一兩二錢五分計算共合銀一萬六千

兩鑄匠五十名每日鑄錢五十挂每日用生銅二百二十一觔十

五兩九錢二分內每觔除耗銅八觔八兩實得淨銅二百三觔二

兩每紅錢一挂重四觔一兩鑄廠司事一名月支薪水火食銀十

二兩鑄錢工匠五十名每名月支工價銀三兩糧價銀六錢均以九箇月計算歲用木炭三十四萬九百八十四觔八兩按每生銅百觔用炭六百觔每炭百觔價銀四錢三十二分每觔銀一百觔加價一錢鑄廠每歲照油九百觔按每百觔價銀四兩三十分每百觔價銀五兩三十二分每百觔價銀六兩每月採用鍋土二千二百觔按九箇月共用鍋土一萬九千八百觔每百觔採價并腳價銀三錢每月修整器具暨添製零星器具銀十二兩一錢每月朔望犒賞匠夫大米百觔羊二隻共銀七兩六錢均以九箇月計算每歲錢模更換一次並東西兩廠大小稱銅秤二共約需銀十四兩

及特准更造錢一次計十二兩共九百六十文合銀二十兩兩每文合工銀價銀二分五釐

除開支外每歲均有盈餘多則一千

二百餘兩

三十三年外長銀一千二百八十六兩五錢一分五釐

少亦在百金以外惟就礦鑄兩務而論

補短截長歲仍不免於貼賠耳二十四年八月頒發礦務鑄錢局鈐記二十八年暑喀什道朱冕榮請將礦鑄局改歸疏附縣兼辦按新疆南路八城數千里習用天罡以銀爲之重五分無孔徑一二三分質極草率圓整者少大而薄者有郭間亦見輪一面用

漢字鑄光緒銀錢字樣一面上下兩方鑄漢文五分字樣右用清文左用回字記年月地名其小而圓者無輪郭無清漢文字僅有回文字跡模糊或割裂花紋而已開鑄於南八城創始於逆回阿古柏除本處通行外南北兩路凡用制錢處皆兼用之及其弊也或撻雜銅鉛或剪邊偽造爲害閭閻行用日滯設省以後屢議禁革乃以紅錢缺乏商市不能流通旋禁旋用卒難一洗從前陋習近者設局鼓鑄銀圓而天罡之用仍秤輕重不能計枚數而算五分或有民智漸開其弊將不戢而自廢云

新疆圖志卷三十五

食貨四

紙幣一

錢化

新疆北路初行使制錢嗣因制錢缺乏復用天罡制錢愈形阻滯
伊塔一帶竟至無錢可使光緒十一年改設行省巡撫劉錦棠發
銀一萬兩飭於省城地方設立官錢局行使紅錢並委員赴喀喇
沙爾庫車吐魯番等處換運紅錢解省務使南北兩路錢法統歸
一律此則創辦官錢局之大致情形也十五年十二月委知縣陳
啟豐管理卽於是月二十六日開局共發成本銀二萬五千七百
兩十六年至二十三年兩次製造印票一萬三千張每張紅錢四
百文其每月薪工局用大建月共支銀一百一十九兩小建月共
支銀一百一十八兩五錢計自十五年起至二十七年止以加水
盈餘抵補局中開支外每年賠貼經費銀一千一百餘兩時因舊
票破費於二十九年製造印票三十萬張除換回舊票并繳存司

庫外由局發行市面之票每年約多至五六萬張自二十八年至三十三年以加水盈餘開支局費印票工料補還賠墊獎賞司事各項外餘銀無多統計自十五年開辦起迄三十三年止實在長餘銀四千七百九兩一錢三分九釐四毫三十四年藩司王樹枏擬推廣辦法省城設立總局一所鎮迪伊塔阿克蘇喀什噶爾等城各設大局一所南北府廳州縣除蒲犁塔羌新平霍爾果斯不計外餘均設分局一所惟迪化分局須由鎮迪大局兼辦總局由藩司督辦大局由各道督辦均用文案收支各項委員分局由各該地方官諭派本地紳商充當董事局內執事人等由各該局董聘僱每年所得紅利一半歸公一半作爲薪勞局費公家不另開支惟總局大局所用提調文案收支委員應支薪水及局用油燭紙張煤炭准由歸公紅利項下開報成本總共銀一百二十萬兩六成官票其餘四成以金元銀元紋銀紅錢四項合計此項官票均係由滬辦來洋帖准其完納糧稅及繳一切公款地方總司出

納每屆年終將收支數目填表列冊呈報總局大局一次瓜代移交限同監交委員三面核算盤算清楚由接手之員出具切結造冊申報訂有設局章程二十條以上各項官幣勿論攜至何處可以互相兌換但令照章加水越過一道加銀五錢新疆四道遞加至二兩五錢爲止倘或因事遠出官票難於攜帶准將官票繳局南北兩路聽其通融匯寄訂有匯欸章程六條至於鄉民遇有緩急准具連環保結向局通挪接濟按期遠近酌量取息不逾三分藉示限制訂有放債章程六條

按鈔票之利前人言之已詳一曰造之便捷二曰行之廣遠三曰齋之也輕四曰藏之也簡五曰無成色之好醜六曰無稱兌之輕重七曰革銀匠之奸偷八曰杜盜賊之窺伺皆較之他物爲幣有特別之利益且他物爲幣其用有時而輒窮用鈔票則造百萬卽百萬造千萬卽千萬操不涸之財源其爲利也大矣新疆歲入不敷歲出協餉又不能年清年欸行用鈔票歷有年

所而通融借貸一節經繫尤非淺鮮

三十四年四月，司詳、南路、阿克蘇、喀什噶爾、
道所往府、廳、州、縣人烟稠密，往往有女盜踰民而逃。

如必謂金銀銅幣歷久不壞紙幣數年而一更前項

工料化爲烏有其言固亦不謬但鯁鯁然以是爲慮焉仰末矣

紙幣
一
一
一

伊犁初無官錢局也

乾隆四十年清兵平定回疆，伊犁城歸降。乾隆五十年，伊犁城被毀，乾隆五十五年，伊犁城重建。

相繼失守，而又爲賊人佔據，光緒七年始得克復。

光緒十一年新疆建設行省十四年伊犁設道府廳

熙維時俄元俄普俄帖充塞正而伊犁府潘守效蘇稟請規復制

錢舊法時將軍色楞額亦憤俄耻充斥大爲邊圉漏卮

奏設官錢局十五年五月經戶部

奏爲遵

旨議奏事伊犁將軍色楞額奏伊犁錢法久廢現擬由官試辦俾

資暢行一摺光緒十五年三月二十八日奉

硃批戶部議奏欽此。邇由軍機處抄交到部。據原奏內稱伊犁行

使制錢半由寶伊局鼓鑄咸豐以來改鑄當十當百大錢旋經俄國賤價買去銷滅無踪洋帖充斥洋普相輔而行並當十當百大錢亦無之伊犁素產銅觔曠廢已久採挖緩不濟急新疆近用紅錢伊犁原可做行但俄國素重此銅若易去改鑄洋普稽查恐啟爭端不查適足示弱是紅錢一法又碍難通行體察情形擬由甘肅購運制錢七八萬串暫設官錢局一律行使並出給錢票搭用如果暢行無滯再擇妥實商民接辦所購制錢腳價並算運到伊犁每銀一兩能得淨錢若干就地市估卽照此數酌定民生稱便官本不虧庶期一舉兩得錢質向係黃銅攪和鉛沙俄國素不重此無慮其私販錢局開設之後其洋帖洋元洋普擬聽並行免滋口實嗣後源頭若廣街市時估應否加增隨時察酌議辦錢票既出俄商不識漢文眞僞莫辨萬一奸宄之徒私造假票做害俄商有傷和好現擬明定章程預爲杜絕咨呈總理各國事務衙門照會俄國駐京公使轉行領事官查照辦理前者新疆大定制錢陸

續進關者計在百數十萬串之上今欲勻抽數萬串在甘肅似無大損已咨督臣譚鍾麟轉令藩司檄由肅州代購一萬串張掖武威兩縣各二萬串皋蘭縣二萬串分批起解運至伊犁新疆藩庫舊存制錢數千串無處動用並咨撫臣劉錦棠悉數運來先行開局試辦所需價脚暫由應解伊犁善後銀兩分別劃扣歸款署伊犁府知府潘效蘇廉幹有爲擬責成一手經理至本地銅礦稍緩數年能否採挖開爐鼓鑄再行酌復舊規等語臣等查伊犁寶新局例定二爐每年鑄錢一千七百餘串獲銅旺盛酌量加鑄兵燹以後停鑄多年今據該將軍奏稱制錢大錢均極缺乏而洋帖洋元洋普盛行擬由甘肅購運制錢暫設官錢局行使並出票搭用自係爲維持圖法起見應准權宜辦理但各該處能否如數代購運往應請

飭下甘肅新疆督撫臣詳酌妥辦至此項錢價運脚據稱暫由應解伊犁善後銀兩分別劃扣歸款將來如何籌還及設局後價脚

並算每銀一兩淨錢若干就地市估照數酌定務期民生稱便官
無虧本與夫嚴防假票無害俄商各節應責成該將軍審慎籌畫
總期有裨邊局欸不虛糜帑徒博虛名而無實效至錢票如何造
給搭用局費如何籌補開支原奏均未明晰聲叙應請

旨飭下該將軍妥議章程奏明辦理至官設錢局不過一時變通
之策伊犁素產銅觔應令嚴飭將本地銅礦設法採挖認真整頓
照例開爐鼓鑄以復寶伊局舊制所有臣等遵

旨議

奏緣由恭摺具陳伏乞

皇上聖鑒

訓示謹奏同日奉

旨依議欽此

光緒十五年五月初八日理戶部具奏
同日奉 旨七月二十日准戶部存

開局之初派訓導袁之瀛縣丞

葛潤泗守備周文魁赴精河庫爾喀喇烏蘇綏來一帶採收舊存
制錢以潘守叙蘇管理錢局事務在綏定南街折修錢局一所共

計大小房屋舖面二十間又在甯遠東關修錢局一所共計大小房屋舖面十一間二共用工料銀三千九百七十五兩四錢九分四釐於十五年二四兩月先後開辦發成本銀八萬兩製造一千文錢票一萬五千張抵銀三萬兩五百文錢票一十二萬張抵銀一十二萬兩三百文錢票二萬張抵銀一萬二千兩二百文錢票二萬張抵銀八千兩共計錢票一十七萬五千張抵銀一十七萬兩其票以油布爲之又由甘肅涼州肅州探得錢利二萬四千串以上三項轆轤周轉凡以銀易錢者每兩換給錢五百文外加水五分錢二十五文實換給錢五百二十五文以錢易銀者每銀一兩收五百二十五文外加三分局費錢一十五文計收錢五百四十五文加水五分隨市也

市價每錢票一百兩能換銀兩約一百零二三兩四五兩不等隨之加水

外加三分作局費也行

之期年民情踴躍洋帖之習最喜輕便而厭重贅不見踴躍而制錢之由官民採販者絡繹不絕旋又改章以銀易錢者每銀一兩換給錢一千文外加水銀如前以錢易銀者每銀一兩收錢一千零

五十文外收局費銀如前改章以後制錢日見流通洋帖不禁自絕而公家賠累矣蓋出入錢價既較往日加增一倍則改章前採

買制錢固須賠貼

前採制錢二萬四千串貼銀一萬六千二百三十三兩零估採高銀二萬八千三百三十兩貼銀二萬五千四百八十八兩零

改章後民間

舊日存錢亦須代貼

地將中銀兩存儲一萬五千三百三十兩中代貼銀一萬四千六百兩

計自開辦起至十六年

三月更章止共貼賠銀五萬六千六百廿兩有奇雖此後不無盈餘而截長補短仍合貼賠銀三萬六千七百六十六兩餘則是欲

救無窮之利源卽不能免目前之虧累也是年省城改照南路行

用紅錢詳明定價收買制錢每錢二串合銀一兩庫中存儲及喀

喇沙爾繳來者約計二千七百餘串巡撫魏光燾飭令悉數解交

伊局行使十八年潘守效蘇修新錢局一所共計大小房屋鋪面

二十五間在惠遠新城共用工料銀三千零八十六兩零八分五

釐二毫旋又製一千文新票十萬張抵銀十萬兩收回舊票清底

票而查假票也

於十九年正月
初十日行便

二十年將軍長庚裁撤綏定局並歸惠遠

局辦理以節糜費二十三年將軍長庚以伊犁九城地面遼濶原

日採辦制錢若無來源日久漸形缺乏每遇兌發錢票籌收制錢

不敷應用由省兌換紅錢合銀二萬兩伊犁始用紅錢

十六年籌司總辦改定南北兩路

使用紅錢而值銀九兩錢伯索爾
愛曼及俄界特種哈爾二部不與焉

二十五年伊犁制錢日窘將軍長庚聞省城

官錢局存有制錢請儘數解伊當由請餉委員解回制錢二千七

百六十串

每兩銀一千二百文合銀一兩

二十九年伊犁塔城綏定甯遠暨霍爾果斯等

城所存紅錢約合銀九萬三千六百九十二兩餘原定每兩換紅

錢三百三十三文是時省中紅錢缺乏巡撫潘效蘇電飭改價行

使於是每銀一兩易紅錢三百八十文

行便後此項存錢仍照改
自銀一兩一千六百兩

三十二年

綏定知縣段子麟以地方行使錢票內多二寸寬五寸長白紙小

條上書憑條取制錢一串文或二三串文不等蓋用商民字號圖

記通衢行使官民均用爲數甚夥詳請自三十三年二月起限三

箇月一律收回註銷

按伊犁用俄國洋錢銀板者分輕重或一錢或五分或二分五

釐或七分五釐各歸一律不差毫髮皆圓勻精緻花樣不同無

論郭眼孔其作零用另有紅銅所鑄質同銀板者則不以輕重計從抵銀五釐起每加五數至抵二分五釐與銀錢便分合花亦精細又有俄國銀票用白紙裁成橫片滿印洋字畧施間色另無圖章呼爲帖子例以銀五分稱一箇帖子而每張并不限五錢如一張取銀五兩者謂之十箇帖子十兩卽爲二十箇帖子以此類推數目參差紙相彷彿全賴認洋字分辨凡票與錢所標數目處有只洋碼一二字而碼字所記究非銀兩實數俄人尙五每五爲一碼係五數之多少也如銀重五分銅錢抵五釐卽紙票取銀五錢者皆以1字爲記1者一也其音爲汝二奈再五則爲2 2 二也其音爲跌二汝推之三爲3 音安囉注四爲4 音朶囉五爲5 音辛格六爲6 音細矢七爲7 音賽安八爲8 音威安九爲9 音勒虎十爲0 音諦斯皆五分數加遞推仿照五錢上之碼記錢分釐所積之五數如銅錢鑄有2字者卽釐數得五者二是抵銀一分票之碼則又專說帖子箇數

非分釐積數如一張註有8字者卽爲八箇帖子每箇銀五分是取銀四兩也凡銅錢尤須認明緣有古錢質較大有7號者與新錢之3號者等若憑古錢而但計大小則值多者混用矣票與錢皆不能攜用出境卽在伊犁換銀而銀與錢票均只能折算足銀八成通行成例若執票取銀則茫茫無處也

紙幣三

阿克蘇局

光緒二十八年八月江道遇璞稟請在溫宿焉耆兩屬創辦官錢

局

溫宿焉耆兩屬官錢局

由司提發成本銀三萬兩並印發洋紙花票三萬張

每張又添印一萬張共四萬張

每張紅錢銀一兩旋又由省領用司印油布花票三萬張

前後概作成本

三十年二月實存成本銀三萬八千五百二十一兩八錢三分八厘

設局之意第一以撥兌標營

餉糈爲要次則各營署急需暫時墊發通挪此外商民求借資本

限期繳還所謂濟公便民一舉兩得也嗣因前項洋紙花票紙性

大劣於三十年一律收燬三十三年潘道震以現存局之官票紅

錢三萬兩作爲成本發交津商聚興永承辦意在掃除積弊流通

市面自三十三年二月初一日起週年以一分行息按季交庫五年爲滿自第六年起分作兩年歸還並由司續領官票三萬另編字號蓋用司印及阿局圖記以資周轉統計舊票三萬張新票二萬張其票本銀以三萬兩爲度

紙幣四

每什四

光緒十四年春袁道堯齡稟請委員設立官錢局試用花票由庫儲項下借發成本銀五千兩所有局中應用薪工由各旗營幫補十五年向道邦倬請將局用薪工由善後項下開支又查得鑄錢局畧有盈餘亦擬全提歸公添補局員委通商委員兼辦不支薪水局中用司事二名各支薪水伙食銀十四兩油燭紙筆墨雜項銀十兩丁役三名各支銀三兩六錢伙夫一名支銀三兩毛拉通事一名支銀三兩大建月共支銀五十七兩八錢小建月共支銀五十七兩一錢四分歲共支銀六百八十九兩零

銀幣一

局一
總化

新疆之鑄銀圓始於光緒六年四月

欽差大臣左宗棠

奏言回民市易舊用制錢漸專用銀而成色高低分量輕重驟難明晰奸僞日滋阿古柏竊踞南八城創鑄銀錢名天罡式圓如餅中無方孔不類錢形其成色分量任意低減圖售其奸故市價相權不能允協民以爲苦應改造銀錢以平市價而利民用惟造銀錢宜先製模式較準一律交官設局經理然後私造與贗僞易於辨認而行使可規久遠臣飭蘭州製造新式銅模交張曜督局依法式製範銀爲錢用銀片捶成不須鎔鑄權重一錢外圓內方輪郭分明字跡顯朗大小厚薄如一與製銀相權銀爲母銅爲子市廛通用可免畸重畸輕之患而新模精巧由官改造工速費節私贗不致混淆人知寶貴惟呈送樣錢前來臣察核無異俟試行漸廣請

旨遵辦期爲新疆創此永利以救圖法之窮然其時全疆尙未底

定也十五年已設行省巡撫魏光燾查有庫車纏匠以敏解製機
鑄擬仿東南各省行使洋銀委灌庫大使劉承澤督工鑄造銀圓
每銀百兩以五成配鑄五錢三錢重之銀圓以五成鑄爲二錢重
銀圓其法因乎天罡而規模較大花樣文字悉求精工開鑄之初
每月鑄銀七千兩用木炭七千觔每炭百觔價銀五錢五分共合
銀三十八兩五錢每銀百兩鑄成銀圓須火耗銀九錢其藝之較
精者列爲頭等次則列爲中等下此則皆爐手散工之流均名之
曰幫手局中用總匠一名月給工食銀十六兩不扣建頭等匠人
六名月各給工食銀六兩中等匠人六名月各給工食銀四兩五
錢幫手六名月各給工食銀三兩通事一名纏匠伙夫一名月各
給工食銀三兩局丁二名門丁一名月各給工食銀四兩五錢監
工一名月給工食八兩以上十八名均扣建司事一名月給薪水
銀一十八兩伙食銀四兩不扣建局用油燭紙張月給銀一十兩
不扣建以上共需銀一百五十六兩五錢通盤合算除每月修整

器具添補零物及實耗不計外每月公中約需貼銀二百五十八兩二十九年巡撫潘效蘇飭照阿喀兩道鑄造銀圓委藩經歷魯鼎緒擇地安廠是年八月卽就經歷衙署東後院拓地建廠計鑄廠三大間匠工司事通事局丁等住房八間炭房廚房各一間除雜屋及舊有房屋不計外大小共一十三間其鑄造銀圓卽仿照喀什從前定章每兩平銀百兩准除火耗五錢鑄成銀圓一百實重以九十七兩五錢爲定盈餘二兩津貼匠工等費其製造銀圓輕重式樣亦照阿喀兩城舊章分鑄五錢三錢二錢三號均勻搭用最前一錢者毋庸仿造銀圓陽面中鑄光緒銀圓四字右鑄迪化二字左鑄幾錢二字陽面中間仍鑄繼文光緒銀圓迪化幾錢八字左右鑄花文環繞每日以兩平銀六百兩爲度每月鑄銀一萬八千兩以每銀一百兩獲盈餘二兩計算每月可餘銀三百六十兩新工局費每月共需銀四百六十八兩七錢八分八釐食糧在外以盈餘作抵月僅短銀一百八兩七錢八分八釐此項銀

圓例支餉需均搭發使用商呈繳稅釐正賦概准以銀圓完納報解每銀圓百兩仍准抵湘平銀一百兩與官錢局錢票并紅錢銀一百兩一律通用如商民持票至官錢局取錢每票銀百兩准發銀圓一百兩如以銀圓至官錢局換錢准發錢票及紅錢一百兩若換紋銀每百須加水銀三兩三十三年五月藩司王樹枏詳請就省城水磨溝機器局鑄造銀圓委員管理六月初四日頒發銀圓局鈐記一顆先於初二日開局試鑄鑄成五錢四錢二錢一錢四種銀圓每銀一百兩准火耗銀七錢鑄成銀圓每銀百兩祇有九十七兩上下餘平銀作爲工費公家每鑄銀一萬兩賠銀四十餘兩賠糧九石其局用開支委員書識丁役人等共薪工銀九十六兩匠工火夫共銀二百五十四兩木炭嵐炭共銀一十八兩七錢八分藥料鋼鐵泥沙礮共銀一十八兩六錢每月共費銀四百八十七兩小麥十八石可鑄銀二萬兩計自三十三年六月開局起至三十四年七月止除三十四年分停鑄四箇月不計外通共

鑄過銀三十二萬兩

按各省銀圓其枚數輕重或七錢二分或三錢六分或一錢四分或七分取例於西人也新疆之銀圓亦有數等重五錢重三錢重二錢重一錢取例於天罡也邇來二十餘年矣所謂銀圓者尙不能與各省之銀圓同歸一律而新疆一帶居然指銀圓爲天罡指銅圓爲普兒是誠以先入之言爲主矣周書曰既歷三紀世變風移不其然乎

銀幣二四克

新疆南路向用紅錢無所謂銀幣也自安夷倣援專用天罡銀錢按天罡二字即通語習用已久銀以交易每以窒礙致起爭端揆厥由來蓋饑民以銀之真僞難分而亦難於散用故也光緒三年南疆初定幫辦新疆軍務廣東提督張曜駐兵庫庫車卽招募銀匠製造天罡分量以五分爲準錢背用回書足銀五分四字其製法每版用廿一人日鑄三千內外嗣於四年正月辦聖庫車善後委員龍令魁

潘令時策遵其成規設局鑄造旋經

欽差大臣陝甘總督左公宗棠飭令改鑄銀錢每一枚重一錢兩面仍鑄回字一面曰阿布丹喀木須回語所謂好銀子也一面曰熱斯伯爾木斯哈立回語所謂實足一錢也此項銀錢鑄出一時商賈繹民均稱便於行用七年二月辦理庫車善後委員龍令魁潘令時策稟稱每匠一人爐一座需幫工五六人每日祇能鑄造銀錢二十兩之譜合計工炭火耗每二十兩共費銀四兩奉批暫行停止光緒十九年阿克蘇道黃光達以地方駐營較多商旅輻輳兵勇細民日用所需零星者多成整者少且紅錢奇窘兌換維艱銀錢既不流通交易因而窒礙不免軍民俱困官價每新平銀一兩換紅錢四百文市價每銀一兩大平頭銀四分換錢三百七十文或七十餘文不等每逢放餉錢價尤昂甚至先一月交訂銀換錢而屆期仍難多得因於是年冬在道署西偏廳房設爐鼓鑄銀圓委道庫大使嚴章炳經理由喀什噶爾調取熟習工作鑼匠

上名黎明興工另派妥人入局督視鎖門搜檢輸流照料嚴杜攙和等弊先令製造鋼模每元重一錢二錢三錢五錢分爲四等一面鑄光緒銀圓幾錢字樣另加阿城二字以示區別一面鑄花草中譯雜文每銀圓一百兩歸九八平扣算鑄成內餘銀二兩作爲火耗人工費用先由司庫借成本銀五千兩自開辦至二十年五月統共鑄銀四萬餘兩除開支外餘銀七十九兩一錢

銀幣三

喀什噶

光緒十八年疏附縣稽查總目庫魯班伯克達乙爾商總巴海尼牙子等以纏民不知銀色高低平戩輕重均以收藏紅錢爲便稟懇鑄造銀錢經喀什道李宗賓委候補知縣羅令正湘試辦先鑄一錢二錢三錢重三等銀圓分鑄漢纏文字去後該稽查總目庫魯班等僉稱願由各商民籌銀三千兩先行鼓鑄試辦暫賠火耗如有成效再由公家籌款鑄辦并設立公所限同下燭不准分毫攙僞十九年二月喀什道李宗賓委通商委員曾廣均兼辦試鑄

銀圓添鑄五錢重一項台前項共爲四等一面鑄光緒銀圓錢數字樣一面鑄花草中譯纏文以資認識而杜剪邊各弊計每銀一百兩下爐傾瀉約耗銀六七錢不等工匠伙食添補器具並火耗各項合算每銀一百兩鑄出銀圓應需經費銀二兩不由公家取辦由每銀圓一百兩歸九八平扣算鑄出並由道庫借發成本銀八千兩

金幣

新省專恃腹地協餉支持全局數年以來協餉不足且不能按時解到每遇伊塔兩城及標營陸軍各處請餉無法因應俄人乘間以其金圓銀票重價居奇光緒三十三年五月藩司王樹枬請採購砂金試鑄金圓輔餉精之不濟顧市面之流通委巡檢蔡世長等四員就省城外水磨溝機器局督匠鑄造其金圓共分一錢二錢兩種重一錢者抵紋銀三兩重二錢者抵紋銀六兩陽面鑄餉金一錢二錢字樣陰面鑄龍文邊加纏文餉金幾錢字樣開局四

月共鑄金五千零一兩三錢三分每金一兩申色五分由銀圓局帶鑄並未開支局用

按各國通用之幣以金爲本位中國自有黃金不以鑄幣每年出口金磚金葉值銀三千萬兩之多國寶外流真元內斂奇贏貴賤惟人所操深患隱憂未知何底矣新疆爲產金隕區英俄兩國垂涎已久現在鼓鑄金圓爲異日用金之起點則必廣開金鎔總納於官而不許有抑勒偷漏之弊目前雖不能一律改用金幣而種子既茂華實堪期且旣以此爲市易之利用則非如向之僅供玩飾置黃金於無用以啟外人之窺伺也其關繫爲何如